

**Bahagian A**

Jawab semua soalan.

**2.1 Peluasan Kuasa British di Pulau Pinang, Singapura dan Melaka**

- 1 Maklumat berikut berkaitan dengan langkah yang telah dilakukan oleh kerajaan British.

Menggalakkan ekspedisi ke Timur

Mengapakah kerajaan British berbuat demikian?

- A Meluaskan wilayah
- B Menyebarkan agama
- C Meningkatkan kekayaan negara
- D Mengukuhkan pertahanan negara

*Buku Teks m.s. 30*

- 2 Persaingan dengan kuasa-kuasa Barat membawa kepada tindakan British berusaha untuk menguasai petempatan baharu di Timur.

Apakah kuasa-kuasa Barat yang terlibat dengan persaingan tersebut?

- A Rusia dan Sepanyol
- B Perancis dan Jerman
- C Belanda dan Perancis
- D Portugis dan Amerika Syarikat

*Buku Teks m.s. 30*

- 3 Pilih pernyataan yang betul berkaitan dengan Pulau Pinang.

- I Merupakan wilayah Kesultanan Kedah
- II Mengusahakan ladang-ladang gambir
- III Pusat pengumpulan bijih timah
- IV Tempat persinggahan pedagang dari Lingga

- A I dan II
- B I dan IV
- C II dan III
- D III dan IV

*Buku Teks m.s. 30*

- 4 Pelabuhan berikut berkembang sebagai sebuah pelabuhan di negara kita.

Pelabuhan Batu Uban

Siapakah yang sering mengunjungi pelabuhan tersebut?

- A Pedagang Arab
- B Pedagang Siam
- C Pedagang China
- D Pedagang Sumatera

*Buku Teks m.s. 30*

- 5 Melaka menjadi tanah jajahan Belanda pada tahun 1641–1824.

Apakah kesultanan yang membantu Belanda menawan Melaka daripada Portugis?

- A Kesultanan Johor Riau
- B Kesultanan Kedah
- C Kesultanan Perak
- D Kesultanan Terengganu

*Buku Teks m.s. 31*

- 6 Sehingga abad ke-19, Singapura ialah wilayah Kesultanan Johor Riau.

Apakah wilayah lain yang turut dikuasai oleh kesultanan tersebut?

- |            |                |
|------------|----------------|
| I Perak    | III Pahang     |
| II Melaka  | IV Riau Lingga |
| A I dan II | C II dan III   |
| B I dan IV | D III dan IV   |

*Buku Teks m.s. 31*

- 7 Tokoh berikut pernah mengetuai pemerintahan Kesultanan Johor Riau.

Sultan Abdul Rahman

Di manakah lokasi pusat pentadbiran baginda?

- A Riau
- B Johor
- C Lingga
- D Singapura

*Buku Teks m.s. 31*

- 8 Apakah tanaman yang diusahakan oleh penduduk Singapura semasa di bawah pentadbiran Temenggung Abdul Rahman?
- Gambir
  - Kelapa
  - Buah pala
  - Lada hitam

*Buku Teks m.s. 31*

- 9 Maklumat berikut berkaitan dengan tindakan yang telah dilakukan oleh Belanda.

**Menguasai Melaka pada tahun 1641**

Apakah peranan Melaka pada ketika itu?

- Pusat pangkalan ketenteraan
- Pusat pengumpulan bijih timah
- Pusat pengumpulan rempah-ratus
- Pusat perlindungan angin monsun

*Buku Teks m.s. 31*

- 10 Maklumat berikut berkaitan dengan peluasan kuasa British di Timur.

**Mempunyai petempatan di pantai timur India**

Di manakah lokasi pangkalan tentera laut tersebut?

- Goa
- Bombay
- Madras
- Culcutta

*Buku Teks m.s. 32*

**Soalan 11 dan 12 berdasarkan jadual berikut yang berkaitan dengan peristiwa yang berlaku di Britain.**

| Masa       | Peristiwa                |
|------------|--------------------------|
| Abad ke-18 | Kehilangan tanah jajahan |

- 11 Apakah tanah jajahan yang dimaksudkan dalam jadual di atas?

- Mexico
- Belanda
- Amerika
- Perancis

*Buku Teks m.s. 33*

- 12 Apakah kesan daripada peristiwa di atas?
- Berusaha menyaingi perdagangan Belanda
  - Berusaha mengadakan pakatan dengan Perancis

- Berusaha mengukuhkan laluan perdagangan ke China
  - Berusaha membuka petempatan di kawasan Asia Pasifik
- I dan II
  - I dan IV
  - II dan III
  - III dan IV

*Buku Teks m.s. 33*

- 13 Maklumat berikut berkaitan dengan British di Pulau Pinang.

**British mengibarkan bendera Union Jack setelah berjaya menduduki Pulau Pinang pada tahun 1786**

Apakah kesan daripada peristiwa tersebut?

- Mengukuhkan kedudukan British di Australia
- Menguasai perdagangan rempah-ratus di Timur
- Memudahkan British meluaskan kuasa ke Brunei
- Membolehkan British menguasai perdagangan di Lautan Hindi

*Buku Teks m.s. 33*

- 14 Apakah peristiwa yang membawa kepada penglibatan Bugis dalam hal ehwal pentadbiran Kesultanan Kedah pada abad ke-18?

- Pelantikan Raja Muda Kedah
- Penyerangan kerajaan Siam
- Pelucutan jawatan pembesar
- Pembinaan pangkalan tentera British

*Buku Teks m.s. 34*

- 15 Tokoh berikut telah dihantar oleh British untuk menjalankan misi di negeri Melayu.

**Edward Monckton**

Apakah misi yang dimaksudkan?

- Mengadakan rundingan dengan Sultan Kedah
- Menandatangani perjanjian dengan pemerintah
- Memberikan bantuan ketenteraan
- Membuka petempatan British

*Buku Teks m.s. 34*

- 16 Apakah negeri Melayu yang paling awal berjaya dikuasai oleh British?
- A Perlis
  - B Melaka
  - C Singapura
  - D Pulau Pinang

Buku Teks m.s. 35

- 17 Jadual berikut berkaitan dengan langkah yang telah dilakukan oleh British.

| Tahun | Peristiwa                                     |
|-------|-----------------------------------------------|
| 1800  | Menandatangani perjanjian dengan Sultan Kedah |

Mengapakah tindakan tersebut dilakukan?

- A Menduduki Seberang Perai
- B Membina kubu pertahanan
- C Menghalang serangan Siam
- D Menamatkan perang saudara

Buku Teks m.s. 35

- 18 Pada akhir abad ke-18, Belanda pernah ditakluki oleh kuasa Eropah.

Apakah kuasa Eropah tersebut?

- A Britain
- B Jerman
- C Perancis
- D Sepanyol

Buku Teks m.s. 36

- 19 Tokoh berikut telah dilantik sebagai Sultan Johor Riau selepas kemangkatan Sultan Mahmud Shah III pada tahun 1812.

**Tengku Abdul Rahman**

Pilih pasangan jawapan yang betul yang telah mengesahkan pelantikan tersebut.

|   | Pihak Terlibat |                   |
|---|----------------|-------------------|
| A | Siam           | Belanda           |
| B | Belanda        | Bugis             |
| C | Bugis          | Acheh             |
| D | Acheh          | Kesultanan Brunei |

Buku Teks m.s. 38

- 20 Pemeteraian Perjanjian London telah diadakan pada 17 Mac 1824.

Apakah inti pati perjanjian tersebut?

- I Hal kewangan
  - II Hal pertahanan
  - III Hal pelantikan sultan
  - IV Hal perdagangan
- A I dan II      C II dan III  
B I dan IV      D III dan IV

Buku Teks m.s. 41

- 21 Maklumat berikut berkaitan dengan tindakan yang telah dilakukan oleh British.

**Memperkenalkan tanah jajahan mahkota**

Siapakah yang dilantik untuk mengetuai pentadbiran tanah jajahan mahkota tersebut?

- A Residen British
- B Gabenor British
- C Gabenor Jeneral
- D Pesuruhjaya Tinggi British

Buku Teks m.s. 41

## 2.2 Perjanjian London 1824 dan Kesannya terhadap Alam Melayu

- 22 Maklumat berikut berkaitan dengan tindakan yang telah diambil oleh pemerintah Kesultanan Johor.

**Meninggalkan tempat persemayamannya di Kampung Gelam, Singapura dan berpindah ke Banda Hilir, Melaka**

Siapakah tokoh yang telah berbuat demikian?

- A Tengku Abdul Rahman
- B Temenggung Abdul Rahman
- C Sultan Hussein Muhammad Shah
- D Sultan Abdul Rahman Muazzam Shah II

Buku Teks m.s. 44

- 23 Bendahara Tun Ali di Pahang telah cuba membebaskan Pahang daripada Kesultanan Johor Riau.

Mengapakah tindakan tersebut dilakukan?

- I Kemerosotan ekonomi Johor
  - II Kemasukan kuasa luar di Pahang
  - III Pergolakan di kawasan Riau Lingga
  - IV Pengukuhan kuasa Barat di Singapura
- A I dan II      C II dan III  
B I dan IV      D III dan IV

Buku Teks m.s. 49

- 24 Perjanjian London 1824 telah menimbulkan kemurkaan terhadap pemerintah Johor. Siapakah pemerintah tersebut?
- A Sultan Abdul Rahman II
  - B Sultan Abdul Rahman III
  - C Sultan Mahmud Muzaffar Shah II
  - D Sultan Mahmud Muzaffar Shah IV

Buku Teks m.s. 45

### 2.3 Pembentukan Negeri-negeri Selat

- 25 Tokoh berikut pernah mengetuai pentadbiran Pulau Pinang.

Francis Light

Apakah jawatan yang disandang oleh beliau?

- A Residen British
- B Pesuruhjaya British
- C Penasihat Am British
- D Gabenor Jeneral British

Buku Teks m.s. 46

- 26 Pada tahun 1805, kedudukan Pulau Pinang telah dinaikkan taraf sebagai Presidensi British keempat belas selepas beberapa wilayah yang lain.

Apakah wilayah-wilayah tersebut?

- I Bangkokulu
  - II Singapura
  - III Benggala
  - IV Madras
- A I dan II
  - B I dan IV
  - C II dan III
  - D III dan IV

Buku Teks m.s. 46

- 27 Terdapat kumpulan pedagang persendirian yang dikenali sebagai pedagang negeri (*country trader*).

Apakah kumpulan pedagang yang terlibat dengan aktiviti tersebut?

- I Pedagang India
  - II Pedagang Ryukyu
  - III Pedagang Benggala
  - IV Pedagang China
- A I dan II
  - B I dan IV
  - C II dan III
  - D III dan IV

Buku Teks m.s. 46

- 28 Apakah kepentingan Negeri-negeri Selat terhadap negeri-negeri Melayu?

- A Menjadi pusat tumpuan pelabur
- B Menjadi negeri penempatan British
- C Memperdagangkan hasil ekonomi
- D Membekalkan hasil pertanian komersial

Buku Teks m.s. 46

### 2.4 Pentadbiran Negeri-negeri Selat

- 29 Tindakan berikut telah dilakukan oleh British ke atas negeri-negeri Melayu.


Menjadikannya sebagai tempat buangan banduan

Apakah negeri-negeri Melayu yang terlibat dengan tindakan tersebut?

- I Johor
  - II Perak
  - III Melaka
  - IV Pulau Pinang
- A I dan II
  - B I dan IV
  - C II dan III
  - D III dan IV

Buku Teks m.s. 49

- 30 Rajah berikut menunjukkan struktur pentadbiran Negeri-negeri Selat di bawah organisasi Pejabat Tanah Jajahan di London.



Apakah peranan Majlis Eksekutif?

- A Menguruskan cukai
- B Menggubal undang-undang
- C Menguruskan hal pentadbiran
- D Menjaga keselamatan pedagang

Buku Teks m.s. 49